

Ni Presidente Dieter F. Uchtdorf

Maikadua a Mammagbaga iti Umuna a Panguluhen



Ti Panagbiag a kas iti maysa a Disipulo

Tallupulo a tawen ti napalabas idiay Ghana, simrek ti maysa a balasitang nga estudiante iti kolehio nga agnagan iti Doe iti maysa nga LDS meetinghouse iti umuna a gundaway. Inawis ti maysa a gayyem ni Doe a kumuyog kenkuana, ket naregget ni Doe a mangammo no ania ti kalalanga ti Simbaan.

Nasayaat ken mannakigayyem dagiti tao idiay a gapu ti nagsiddaawanna, “Ania a kita ti simbaan daytoy?”

Naawis unay ti rikna ni Doe isu nga inkeddengna ti mangadal iti ad-adu pay maipapan ti Simbaan ken dagiti taona, a napno iti aglaplapanan a rag-o. Ngem apaman nga iruginan ti mangadal kadagitoy, nangrugi a sumuppiat iti panagsukisokna ti dadduma a miembro ti pamiliana ken dagiti gagayyemna nga agkalikagum iti pagsayaatanna. Pinadpadakesda ti Simbaan ket inaramidda ti amin a kabalanda a manguyot kenkuana tapno saan a dumngeg.

Ngem nakaawat ni Doe iti maysa a pammaneknek.

Addaan isuna iti pammati, ket ipatpategna ti ebanghelio, a mangpumpunno iti biagna iti rag-o. Ket iti kamaudiana, nagpabuniag isuna.

Kalpasanna, inraremna ti bagina iti panagadal ken panagkararag. Nagayuno isuna ken kinalikagumanna a maaddaan iti impluensia ti Espiritu Santo iti biagna. Kas bungana, pimmigsa ken immuneg ti pammaneknek ni Doe. Idi agangay, inkeddengna ti agserbi iti full-time mission para iti Apo.

Kalpasan ti panagsublina manipud iti panagserbina iti mision, kina-date ken inkallaysana ti maysa a nakapagsublin iti misionna—ti isu met la a tao a nangbuniag kenkuana idi—ket idi agangay nailantipda iti Johannesburg South Africa Temple.

Naglabas ti adu a tawen manipud pay idi umuna a napadasan ni Doe Kaku ti rag-o ti ebanghelio ni Jesucristo. Kabayatan dayta a panawen, saan a kanayon a makaay-ayo ti panagbiag para kenkuana. Inibituranna ti panagla-dingit ken pannakapaay, agraman ti ipupusay ti dua nga annakna—nadagsen pay laeng iti kaungganna ti nalaus a panagleddaang a gapu kadagita a padasna.

Ngem inkarigatanda iti asawana, ni Anthony, ti aginna-sideg iti tunggal maysa ken iti ay-ayaten a Nailangitan nga Amada, nga ay-ayatenda iti amin a pusoda.

Ita, 30 a tawen kalpasan ti panagbuniagna, itay kallabes, naileppas ni Sister Kaku ti sabali pay a full-time mission— itoy a gundaway nakipagserbi iti asawana, a maysa a mission president iti Nigeria.

Kuna dagiti makam-ammo ken ni Sister Kaku, nga adda maysa a naisangsangayan a banag maipapan kenkuana. Naragsak isuna. Narigat a bubosen ti orasmo kenkuana no saanka a naragragsak mismo.

Awan duadua ti pammaneknekna: “Ammok nga ibi-langnak ti Mangisalakan kas anak ken gayyemna (kitaen iti Mosiah 5:7; Ether 3:14),” kinunana. “Ken ad-adalek ken

ikarkarigatak unay tapno agbalinak met a gayyemna—saan laeng a babaen ti panagsaok no di ketdi babaen pay ti panagaramidko.”

Datayo dagiti Disipulo

Maipada ti estoria ni Sister Kaku iti estoria ti adu a daduma pay. Adda tarigagayna a mangammo iti kinapudno, inkarigatanna ti manggun-od iti naespirituan a pannakawat, impakitana ti ayatna iti Dios ken iti padana a tao, ket iti panangaramidna napasaraanna dagiti panagrigrigat ken panagleddaang.

Ngem iti baet ti pagsusupadian, ken panagleddaang, nagtalinaed a dimmur-as isuna iti pammati. Ket pinagtalinaedna ti rag-ona kas iti kapateg ti panangpatalinaedna iti pammatina. Nakasarak isuna iti wagas saan laeng a tapno agibtur kadagiti rigat no di ketdi pay tapno dumur-as a nespirituan iti baet dagitoy!

Maipada ti estoriana kadakayo ken kaniak.

Manmano a nalinis ti dalantayo wenna awanan iti pannubok.

Addaan ti tunggal maysa kadatayo kadagiti pakaburiboran, pannakapaay, ken panagleddaang.

Mabalina a mariknatayo pay ti kinaawan namnama ken no dadduma makatalipupos.”

Ngem dagiti agbiag a kas iti “panagbiag ti maysa a disipulo—nga agtalinaed a napudno ken agtalinaed a dumur-as iti pammati; nga agtalek iti Dios ken agtungpal kadagiti bilinna;¹ nga agbiag iti ebanghelio iti inaldaw ken minuto; a mangted iti serbisio a kas ken ni Cristo kadagiti adda iti aglawlawda, maysa nga aramid iti maminsan—isuda dagiti addaan babassit nga aramid a masansan a makaaramid iti dakkel a pagdumaan.

Dagiti nasaysayaat bassit, dagiti ad-adda a managpakawan bassit, ken naas-asi ti aprosna ket isu dagiti manangngaasi nga umawatto iti kaasi.² Dagiti mangaramid iti daytoy a lubong a maysa a nasaysayaat a lugar, babaen ti panangaramid iti panagkikinnaasi ken panaggiinnayat, ken asino man nga agkagumaan nga agbiag iti naparaburan, napennek, ken natalna a panagbiag kas iti panagbiag ti maysa a disipulo ni Jesucristo ket isu dagiti makasarakto iti rag-o iti kamaudianan.

Ammodanto a “ti ayat ti Dios, a nangyagsep iti bagina kadagiti puso ti annak dagiti tao . . . ti kangrunaan a matarigagayan iti amin a banag . . . ken ti kangrunaan a makaparag-o iti kaunggan.”³

DAGITI NAGADAWAN

1. Kitaen iti Mosiah 4:6.
2. Kitaen iti Mateo 5:7
3. 1 Nephi 11:22–23.

PANANGISURO MANIPUD ITI DAYTOY A MENSAHE

Isuro ni Presidente Uchtdorf kadatayo a narigat ti dalan ti kinadisipulo ngem dagiti agbiag iti “natalna a panagbiag ti maysa a disipulo ni Jesucristo ket isu dagiti makasarakto iti rag-o iti kamaudianan.” Kas iti panangisalaysay ni Presidente Uchtdorf iti estoria ni Doe tapno ipakita ti pudno a disipulo ni Cristo ket makasarakto iti natalna ken rag-o iti baet dagiti pannubok ti biag, mabalina nga ibilangmo ti mangisalaysay iti estoria manipud iti bukodmo a biag maipapan ti no apay a piniliyo ti sumurot ken ni Cristo ken no kasano a napapigsanakayo. No iturongnakayo ti Espiritu, ti panangibinglayyo kadagiti bukod nga estoria ket makapapigsa kadagiti sursuruanyo.

AGTUTUBO

Kaadda ti Rag-o iti Panagbalin a Maysa a Disipulo ni Jesucristo

Naaddaanka kadin iti naliday nga aldaw? Ania ti inaramidmo tapno agragsak? Ammo ni Presidente Uchtdorf nga “addaantayo kadagiti pakaburiboran, pannakapaay, ken panagleddaang. Mabalina a mariknatayo pay ti kinaawan namnama ken no dadduma makatalipupos.”

Ti pangrisut ket panangbiag iti awagna a “panagbiag ti maysa a disipulo”: “agtalinaed a napudno ken agtalinaed a dumur-as iti pammati.” No dumur-astayo iti pammati, kabaelantayo ti agtalek iti Dios, agtungpal kadagiti bilin, ken agserbi kadagiti dadduma—ken agrag-o kabayatan ti panangaramid iti amin daytoy! Kas iti kinuna ni Presidente Uchtdorf, “Dagiti agbiag a kas iti panangbiag ti maysa a disipulo . . . ket isuda dagiti addaan babassit nga aramid a masansan nga agbalin a dakkel a pagdumaan.”

Ibilangyo ti panangaramid iti listaan dagiti wagas a pakapagbiaganyo kas iti biag ti maysa a disipulo. Kas pagarigan, mabalinyo nga isurat ti maysa a kapanuntan maipapan ti serbisio kas iti “Tulongan ti maysa a nagannak a mangisagana iti pangrabii” wenna maysa

a kapanunotan para iti panagtungpal kadagiti bilin kas iti “Panagkararag para iti ad-adu pay nga anus kadagiti kakabsatko.” Iti sumaruno a gundaway a mariknayo a napaay wenno natalipuposkayo, iruayo ti listaanyo, mangala iti kapanunotan, ket padasenyo daytoy!

ANNAK

Dagiti Naragsak ken Naliday a Panawen

Iti sumagmamano nga aldaw, adda dagiti kanito a saan lunay a naragsak. Ket OK dayta. Makatulong kadakayo ni Jesus a mangpalabas kadagitoy.

Mangidrowing iti maysa a rupa a nakarupanget. Kasano a matulongannakayo ni Jesus no nalidaykayo? Ita mangidrowing iti maysa a rupa a nakaisem? Kasano a matulongannakayo ni Jesus nga agbalin a naragsak?

© 2017 ti Intellectual Reserve, Inc. Nailatang amin a karbengan. Naimaldit iti EUA. Pannakaanamongna iti Ingles: 6/17. Pannakaanamongna a maipatarus: 6/17. Pannakaipatarus ti *First Presidency Message, August 2017*. Ilokano. 97928 864



Pammati, Pamilia, Tulong

Panagbiag iti Nakonsagraran a Biag

Nainkararagan nga adalenyo daytoy a material ken kalikagumanyo nga ammuen no ania ti ibinglayyo. Kasano a ti pannakaawattayo iti panggep ti Relief Society ket mangisagananto kadagiti annak a babbai ti Dios para kadagiti bendision ti agnanayon a biag?

“Ti panagkongsagrar ket panangituding wenno panangidaton iti maysa a banag a sagrado, panangitalaga kadagiti nasantuan a panggep,” kinuna ni Elder D. Todd Christofferson ti Korum dagiti Sangapulo-ket-dua nga Apostol. “Dumteng ti pudno a balligi iti daytoy a biag iti panangikonsagrar iti biagtayo—dayta ti, panawen ken dagiti pilitayo—kadagiti panggep ti Dios.”¹

Elder Neal A. Maxwell (1926–2004) ti Korum dagiti Sangapulo-ket-dua nga Apostol kinunana, “Intay panunoten ti panagkongsagrar a panangisuko, no nadiosan a naiturong, kadagiti material a tagikuatayo. Ngem ti kangatuan a kita ti panagkongsagrar ket panangisuko iti biagtayo iti Dios.”²

Bayat ti panangikonsagraritayo iti bagbitayo kadagiti panggep ti Dios, pumigsa ti pammatitayo ken ni Jesucristo ken iti Panubbotna.

Bayat ti panagbiagtayo iti nakonsagraran a biag, makapagbalintayo a nasantuan babaen dagita nga aramid.

Carole M. Stephens, Umuna a Mammagbaga iti Panguluen ti Relief Society, kinunana: “Insuro ni Elder Robert D. Hales, ‘No agaramid ken agtungpaltayo kadagiti katulagan, rummuartayo iti lubong ken agturingtayo iti pagarian ti Dios.’

“Nabalbaliwantayo. Aglangatayo a naiduma, ken agtignaytayo a naiduma. Dagiti banag a denggen ken basaen ken sawen ket naiduma, ken naiduma ti suottayo gapu ta agbalintayo nga annakna a babbai.”³

Ti panagkongsagrar ket ti katulagan nga aramiden ti Dios “iti balay ti Israel; Kalpasan dagidiay nga aldaw, kinuna ti Apo, isaadkonto ti lintegko iti unegda, ken isuratkonto iti pusoda; ket siakto ti Diosda, ken isudanto ti ilik” (Jeremias 31:33). Ti panagbiag iti nakonsagraran a

panagbiag ken adda iti panangitunos iti plano ti Dios para kadatayo.

Dagiti Mainayon a Nasantuan a Kasuratan

1 Taga Tesalonica 1:3;
Doktrina ken Katulagan 105:5;
reliefsociety.lds.org

DAGITI NAGADAWAN

1. D. Todd Christofferson, “Reflections on a Consecrated Life,” *Liahona*, Nob. 2010, 16.
2. Neal A. Maxwell, “Consecrate Thy Performance,” *Liahona*, Hulio 2002, 39.
3. Carole M. Stephens, “Wide Awake to Our Duties,” *Liahona*, Nob. 2012, 115–16.

Ibilang Daytoy

Kasano a makatulong kadatayo nga agbalin nga ad-adda pay kas Kenkuana ti panangikonsagraritayo iti biagtayo iti Apo?